



**P R A V I L N I K**  
**o predizbornim i postizbornim finansijskim izvještajima i izvještajima o**  
**prometu posebnog računa za finansiranje izborne kampanje**  
**nezavisnih kandidata**

Sarajevo, maj 2024. godine

Na osnovu člana 15.2 stav (1) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 20. sjednici, održanoj 03.05.2024. godine, donijela

**P R A V I L N I K**  
**o predizbornim i postizbornim finansijskim izvještajima i izvještajima o**  
**prometu posebnog računa za finansiranje izborne kampanje**  
**nezavisnih kandidata**

**POGLAVLJE I. UVODNE NAPOMENE**

**Član 1.**  
**(Predmet)**

Pravilnikom o predizbornim i postizbornim finansijskim izvještajima i izvještajima o prometu posebnog računa za finansiranje izborne kampanje nezavisnih kandidata (u daljem tekstu: Pravilnik) uređuje se način podnošenja finansijskih izvještaja, sadržaj i forma finansijskih izvještaja i kontrola finansijskih izvještaja nezavisnih kandidata koji učestvuju na izborima, a obavezni su izvještaje podnositi Centralnoj izbornoj komisiji Bosne i Hercegovine (u daljnjem tekstu: Centralna izborna komisija BiH).

**Član 2.**  
**(Obim primjene)**

Odredbe ovog Pravilnika odnose se na sve nezavisne kandidate koji učestvuju na izborima za organe vlasti Bosne i Hercegovine.

**POGLAVLJE II. NAČIN PODNOŠENJA FINANSIJSKIH IZVJEŠTAJA**

**Član 3.**  
**(Finansijski izvještaj)**

(1) Nezavisni kandidati koji učestvuju na izborima za organe vlasti Bosne i Hercegovine na svim nivoima dužni su Centralnoj izbornoj komisiji BiH podnijeti:

- a) finansijski izvještaj koji obuhvata period koji počinje tri mjeseca prije dana podnošenja prijave za ovjeru i završava danom podnošenja prijave za ovjeru (predizborni izvještaj);
- b) izvještaj o prometu posebnog računa za finansiranje izborne kampanje sa podacima o izvorima novčanih i nenovčanih donacija, troškovima izborne kampanje i računima dobavljača;
- c) dodatni finansijski izvještaj za period od dana podnošenja prijave za ovjeru do dana ovjere izbornih rezultata (postizborni izvještaj).

(2) Nezavisni kandidati koji učestvuju na izborima, Centralnoj izbornoj komisiji BiH finansijske izvještaje iz stava (1) tačka a) i tačka c) ovog člana, podnose u čvrstoj kopiji.

(3) Nezavisni kandidati koji učestvuju na izborima Centralnoj izbornoj komisiji BiH finansijske izvještaje iz stava (1) tačka b) ovog člana, dostavljaju putem e-maila.

(4) Centralna izborna komisija BiH može zatražiti od nezavisnih kandidata podnošenje i dodatnih finansijskih izvještaja, dokumenata, objašnjenja i informacija, ako ih smatra neophodnim za potpuno i tačno obavljanje revizije.

#### **Član 4. (Rokovi)**

(1) Finansijski izvještaj iz člana 3. stav (1) tačka a) ovog Pravilnika podnose svi nezavisni kandidati u vrijeme podnošenja prijave za ovjeru za učešće na izborima.

(2) Finansijski izvještaj iz člana 3. stav (1) tačka b), podnosi se tri dana prije dana održavanja izbora.

(3) Finansijski izvještaj iz člana 3. stav (1) tačka c) ovog Pravilnika, podnose svi nezavisni kandidati koji su učestvovali na izborima, u roku od 30 dana od dana kada Centralna izborna komisija BiH objavi konačne izborne rezultate.

#### **Član 5. (Ovlašteno lice za podnošenje izvještaja)**

(1) Nezavisni kandidat može imenovati ovlašteno lice koje je lično odgovorno za podnošenje izvještaja i vođenje knjiga, kao i za komunikaciju s Centralnom izbornom komisijom BiH.

(2) Ukoliko nezavisni kandidat imenuje ovlašteno lice iz stava (1) ovog člana, dužan je prilikom podnošenja predizbornog finansijskog izvještaja Centralnoj izbornoj komisiji BiH dostaviti podatke o ovlaštenom licu zajedno s kontakt podacima.

(3) U slučaju promjene ovlaštenog lica iz stava (1) ovog člana, nezavisni kandidat dužan je najkasnije u roku od 15 dana od dana promjene ovlaštenog lica obavijestiti Centralnu izbornu komisiju BiH o promjeni.

### **POGLAVLJE III. SADRŽAJ I FORMA FINANSIJSKOG IZVJEŠTAJA NEZAVISNIH KANDIDATA**

#### **Član 6. (Obrasci)**

(1) Finansijske izvještaje iz člana 3. stav (1) tačke a) i c) ovog Pravilnika, nezavisni kandidat podnosi na obrascima utvrđenim ovim Pravilnikom. To su:

a) Podaci o nezavisnom kandidatu

Obrazac N1

b) Pregled prometa novčanih sredstava

1) Pregled prometa tekućeg računa nezavisnog kandidata	Obrazac N2
2) Pregled prometa blagajne	Obrazac N2.1.
c) Izvori finansiranja nezavisnog kandidata	Obrazac N3
1) prilozi fizičkih lica	Obrazac N3-a
2) prilozi pravnih lica	Obrazac N3-b
3) nenovčane donacije i računi koje kandidat nije imao obavezu plaćati	Obrazac N3-c
4) prihodi iz budžeta	Obrazac N3-d
5) prihodi od prodaje propagandnog materijala i prihodi od organizovanja manifestacija	Obrazac N3-e
d) Rashodi nezavisnog kandidata	Obrazac N4
1) režijsko-administrativni i ostali troškovi	Obrazac N4.1.
2) troškovi propagande	Obrazac N4.2.
e) Obaveze nezavisnog kandidata	Obrazac N5

(3) Obrasci se moraju tačno i precizno popuniti.

(4) Tačnost i potpunost podataka u svakom obrascu svojim potpisom potvrđuje nezavisni kandidat ili lice koje on ovlasti u skladu sa članom 5. ovog Pravilnika.

### **Član 7.**

#### **(Izveštaj o prometu posebnog računa)**

(1) Finansijski izvještaj iz člana 3. stav (1) tačke b) ovog Pravilnika, nezavisni kandidati podnose na sljedećim obrascima:

a) Podaci o nezavisnom kandidatu	Obrazac N1
b) Pregled prometa tekućeg računa	Obrazac N2
c) Prilozi fizičkih lica	Obrazac N3-a
d) Prilozi pravnih lica	Obrazac N3-b
e) Nenovčane donacije i računi koje nezavisni kandidat nije imao obavezu plaćati	Obrazac N3-c
f) Troškovi propagande	Obrazac 4.2.
g) Podaci o računima dobavljača	Obrazac 4.2 D

(2) Finansijske izvještaje iz stava (1) ovog člana, nezavisni kandidati podnose na obrascima koji su sastavni dio ovog Pravilnika.

(3) Obrasci se moraju tačno i precizno popuniti.

(4) Tačnost i potpunost podataka u svakom obrascu svojim potpisom potvrđuje nezavisni kandidat ili lice koje on ovlasti u skladu sa članom 5. ovog Pravilnika.

### **Član 8.** **(Potvrda o primljenom prilogu)**

(1) Nezavisni kandidat je dužan svakom fizičkom i pravnom licu (u daljnjem tekstu: donator) od kojeg je primio prilog izdati potvrdu u kojoj su sadržani sljedeći podaci: serijski broj potvrde, ukupan iznos priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedište donatora, datum uplate, datum izdavanja potvrde i potpis nezavisnog kandidata ili ovlaštenog lica.

(2) Potvrda iz stava (1) ovog člana izdaje se u 2 (slovima: dva) primjerka, od kojih se jedan primjerak daje donatoru, a drugi zadržava nezavisni kandidat.

(3) Centralna izborna komisija BiH može zahtijevati da nezavisni kandidat dostavi kopije izdatih potvrda.

### **Član 9.** **(Popunjavanje obrazaca)**

(1) Prilikom podnošenja finansijskih izvještaja iz člana 3. stav (1) tačke a) i c) ovog Pravilnika, nezavisni kandidat dužan je popuniti sve obrasce navedene u članu 6. ovog Pravilnika.

(2) Prilikom podnošenja finansijskih izvještaja iz člana 3. stav (1) tačka b) ovog Pravilnika, nezavisni kandidat dužan je popuniti sve obrasce navedene u članu 7. ovog Pravilnika.

### **Član 10.** **(Podaci u obrascima)**

(1) Kod svih obrazaca iz člana 6. i 7. ovog Pravilnika, u gornjem desnom uglu nalazi se prostor za upisivanje podataka o broju stranica obrasca.

(2) U obrascu N1, *Podaci o nezavisnom kandidatu*, u gornjem desnom uglu nalazi se prostor za upisivanje sljedećih podataka:

- a) šifra nezavisnog kandidata koju određuje i upisuje Centralna izborna komisija BiH,
- b) naziv finansijskog izvještaja i
- c) izvještajni period za koji se podnosi izvještaj.

### **Član 11.** **(Podaci o nezavisnom kandidatu)**

U obrazac N1, *Podaci o nezavisnom kandidatu*, unose se svi podaci o nezavisnom kandidatu na kojeg se finansijski izvještaj odnosi, i to:

- a) ime i prezime,
- b) jedinstveni matični broj ili broj ličnog dokumenta,
- c) adresa, telefon, faks i e-mail, i
- d) ovlašteno lice za finansijske izvještaje: ime i prezime, adresa, telefon, faks i

e-mail.

**Član 12.**  
**(Pregled prometa tekućeg računa)**

U Obrazac N2, *Pregled prometa tekućeg računa*, unose se sljedeći podaci:

- a) broj računa,
- b) naziv banke,
- c) stanje računa na početku izvještajnog perioda za koji se podnosi finansijski izvještaj, odnosno ako je račun otvoren nakon tog datuma, stanje na dan otvaranja računa,
- d) ukupan promet ulaza bez početnog salda (za izvještajni period),
- e) ukupan promet izlaza (za izvještajni period) i
- f) stanje računa na kraju izvještajnog perioda za koji se podnosi izvještaj, odnosno u slučaju da je račun ranije ugašen, do momenta gašenja računa.

**Član 13.**  
**(Pregled stanja blagajne)**

U Obrazac N2.1, *Pregled stanja blagajne*, unose se sljedeći podaci:

- a) saldo blagajne na početku perioda,
- b) ukupni ulazi u blagajnu,
- d) ukupni izlazi iz blagajne i
- e) saldo blagajne na kraju perioda.

**Član 14.**  
**(Izvori finansiranja)**

(1) U Obrazac N3, *Izvori finansiranja*, unose se sljedeći podaci:

1. Ukupni prihodi nezavisnog kandidata - N3.1. Ukupni prihodi nezavisnog kandidata:

- a) Prilozi fizičkih lica (detalji u Obrascu N3-a)  
ukupan iznos naplaćen u KM
- b) Prilozi pravnih lica (detalji u Obrascu N3-b)  
ukupan iznos naplaćen u KM
- c) Nenovčane donacije i računi koje nezavisni kandidat nije imao obavezu platiti (detalji u Obrascu N3-c)  
ukupan iznos prihoda po ovom osnovu u KM
- d) Prihodi iz budžeta (detalji u Obrascu N3-d)  
ukupan iznos prihoda po ovom osnovu u KM
- e) Prihodi od prodaje propagandnog materijala i prihodi od organizovanja manifestacija (detalji u Obrascu N3-e)  
ukupan iznos prihoda po ovom osnovu u KM

- f) Ukupni prihodi nezavisnog kandidata u KM u izvještajnom periodu po svim osnovama.

## 2. Ostali prihodi i drugo - N3.2 Ostali prihodi:

- 1) Ukupan iznos ostalih prihoda u izvještajnom periodu u KM.

(2) Ukoliko nezavisni kandidat ne raspolaže podacima iz kojih se može utvrditi identitet donatora smatrat će se da je nezavisnom kandidatu prilog dao anonimni donator.

(3) Ako nezavisni kandidat ostvari prihod koji nije obuhvaćen u članu 14. stav (1) ovog Pravilnika, ili ostvari koristi od aktivnosti subjekata koji su na bilo koji način povezani sa nezavisnim kandidatom ili su pod njegovom kontrolom, dužan je takve prihode iskazati u obrascu N3.2 *Ostali prihodi* finansijskog izvještaja.

### **Član 15. (Prilozi fizičkih lica)**

U Obrazac N3-a, *Prilozi fizičkih lica*, unose se sljedeći podaci:

- a) prezime i ime donatora, broj potvrde iz člana 8. ovog Pravilnika, datum kada je prilog dat i iznos priloga i
- b) ukupan iznos svih priloga fizičkih lica.

### **Član 16. (Prilozi pravnih lica)**

U Obrazac N3-b, *Prilozi pravnih lica*, unose se sljedeći podaci:

- a) naziv pravnog lica, broj potvrde iz člana 8. ovog Pravilnika, datum kada je prilog dat i iznos priloga i
- b) ukupan iznos svih priloga pravnih lica.

### **Član 17. (Nenovčane donacije i računi koje nezavisni kandidat nije imao obavezu platiti)**

U Obrazac N3-c, *Nenovčane donacije i računi koje nezavisni kandidat nije imao obavezu platiti*, unose se sljedeći podaci:

- a) ime i prezime/naziv donatora,
- b) vrsta poklona ili usluge,
- c) datum primljenog poklona ili usluge,
- d) ukupna vrijednost poklona ili usluge i
- e) vrijednost koju nezavisni kandidat nije imao obavezu platiti.

**Član 18.**  
**(Prihodi iz budžeta)**

(1) U Obrascu N3-d, *Prihodi iz budžeta*, evidentiraju se sva sredstva iz budžeta svih nivoa vlasti koje je nezavisni kandidat primio u izvještajnom periodu.

(2) U ovaj obrazac unose se sljedeći podaci:

- a) naziv nivoa vlasti,
- b) broj i datum odluke i
- c) ukupan iznos prihoda.

**Član 19.**  
**(Prihodi od prodaje propagandnog materijala)**

U Obrazac N3-e, *Prihodi od prodaje propagandnog materijala i prihodi od organizovanja manifestacija*, unose se sljedeći podaci:

- a) vrsta prihoda i to:
  - prihodi od prodaje propagandnog materijala,
  - prihodi od organizovanja manifestacija;
- b) ukupan iznos ostvarenog prihoda.

**Član 20.**  
**(Rashodi nezavisnog kandidata)**

(1) Podatke o rashodima, nezavisni kandidat iskazuje u Obrascu N4.

(2) U Obrazac N4, *Rashodi nezavisnog kandidata*, unose se sljedeći podaci:

- a) režijsko-administrativni i ostali troškovi izraženi u KM (detalji u Obrascu N4.1.),
- b) troškovi propagande (detalji u Obrascu N4.2.) i
- c) ukupni rashodi u izvještajnom periodu po svim osnovama.

**Član 21.**  
**(Režijsko-administrativni i ostali troškovi)**

(1) U Obrazac N4.1, *Režijsko-administrativni i ostali troškovi*, (unose se svi troškovi osim troškova propagande) unose se sljedeći podaci:

- a) vrsta troška i
- b) iznos troškova.

(2) Ako nezavisni kandidat ostvari troškove od sticanja propagandnog materijala namijenjenog za prodaju i organizovanja manifestacija, dužan je uz Obrazac N4.1 dostaviti posebnu specifikaciju koja će sadržavati: iznos i vrstu ostvarenog troška i druge činjenice kojima se dokazuje da je ostvareni trošak nastao u svrhu ostvarivanja prihoda nezavisnog kandidata.



**Član 22.**  
**(Troškovi propagande)**

(1) U Obrazac N4.2, *Troškovi propagande*, unose se sljedeći podaci:

a) vrsta troška i to:

- 1) troškovi štampanja plakata i plakatiranja,
- 2) troškovi oglašavanja u štampanim i elektronskim medijima,
- 3) troškovi internet-oglašavanja,
- 4) troškovi organizacije i održavanja predizbornih skupova,
- 5) troškovi štampanja, umnožavanja i slanja predizbornog materijala biračima i
- 6) ostali troškovi propagande;

b) iznos troškova.

(2) U smislu troškova štampanja plakata i plakatiranja podrazumijevaju se troškovi izrade svih vrsta plakata, banera, bilborda, njihova distribucija, postavljanje i plakatiranje.

(3) U smislu troškova oglašavanja u štampanim i elektronskim medijima podrazumijevaju se troškovi štampanja predizbornih oglasa, proglašenja, saopćenja i sl. u štampanim medijima i troškovi oglašavanja na radiju i televiziji (oglasi, javni pozivi, spotovi i bilo koji drugi vid promocije).

(4) U smislu troškova internet-oglašavanja smatraju se troškovi oglašavanja putem internet-portala, društvenih mreža (Facebook, YouTube, Instagram, Twitter i dr.), Vibera i sl.

(5) U smislu troškova organizacije i održavanja predizbornih skupova podrazumijevaju se troškovi zakupa prostora za održavanje skupova, troškovi ozvučenja i razglasa, troškovi prijevoza na predizborne skupove, troškovi honorara angažiranih učesnika (voditelji, estradni umjetnici-muzičari, glumci, orkestri, kulturno umjetnička društva i dr.) i drugi troškovi u vezi sa organizacijom skupova.

(6) U smislu troškova štampanja, umnožavanja i slanja predizbornog materijala biračima, podrazumijevaju se troškovi materijala koji se šalje na adrese birača poštom ili preko aktivista, dijeli putem štandova i na predizbornim skupovima.

(7) Pod ostalim troškovima propagande podrazumijevaju se svi troškovi koji nastanu u svrhu predizborne kampanje, a koji nisu svrstani u prethodne grupe, kao što su: troškovi reprezentacije i ugostiteljskih usluga, putni troškovi, troškovi ugovora o djelu za lica angažirana za potrebe predizborne kampanje, troškovi goriva i sl.

**Član 23.**  
**(Dobavljači i izvršioci usluga)**

(1) U Obrazac 4.2 D, *Podaci o računima dobavljača*, unose se sljedeći podaci:

- a) podaci o nezavisnom kandidatu,
- b) vrsta troška,
- c) naziv dobavljača/izvršioca usluge i
- d) podatke o dokumentu (račun, ugovor ili dr): broj i datum računa i iznos računa.

(2) Centralna izborna komisija BiH može zatražiti da nezavisni kandidat dostavi kopiju dokumenata o troškovima propagande (računi, ugovori i dr).

**Član 24.**  
**(Obaveze nezavisnog kandidata)**

(1) U Obrazac N5, *Obaveze nezavisnog kandidata*, unose se sljedeći podaci:

a) Ukupne obaveze po kreditima i pozajmicama - N5.1. Obaveze nezavisnog kandidata po kreditima i pozajmicama:

- 1) naziv davaoca kredita ili pozajmice,
- 2) iznos kredita ili pozajmice,
- 3) datum realizacije kredita ili pozajmice,
- 4) rok vraćanja kredita ili pozajmice i
- 5) iznos obaveze po osnovu kredita ili pozajmice na određeni dan.

b) Ukupne obaveze po dugovanjima - N5.2. Ostale obaveze:

- 1) naziv povjerioca ili obaveze,
- 2) datum nastanka obaveze,
- 3) rok za plaćanje obaveze i
- 4) iznos obaveze na određeni dan.

(2) U Obrazac N5.2. *Ostale obaveze* unose se podaci o obavezama nezavisnog kandidata na kraju izvještajnog perioda po sljedećim osnovama: neizmirene obaveze prema dobavljačima (fizičkim i pravnim licima), obaveze po osnovu naknada, poreza, doprinosa i drugo.

(3) Centralna izborna komisija BiH može zatražiti da nezavisni kandidat dostavi kopije dokumenata o dugovanjima po osnovu kredita, pozajmica ili nekom drugom osnovu.

**POGLAVLJE IV. KONTROLA FINANSIJSKIH IZVJEŠTAJA I PODNOŠENJA  
DODATNIH IZVJEŠTAJA**

**Član 25.**  
**(Služba za reviziju)**

Služba za reviziju, prilikom pregleda finansijskih izvještaja nezavisnih kandidata iz člana 3. ovog Pravilnika, utvrđuje:

- a) da li je izvještaj podnesen na propisanim obrascima iz ovog Pravilnika,
- b) da li su obrasci pravilno popunjeni,
- c) da li su obrasci potpuni (sveobuhvatni),
- d) da li izvještaj obuhvata sve poslovne promjene,
- e) da li su analitičke evidencije tačno sabrane,
- f) da li su podaci u izvještaju pravilno razvrstani po obrascima i
- g) da li je izvještaj dostavljen blagovremeno, odnosno u propisanom roku.

**Član 26.**  
**(Dobrovoljno otklanjanje nepravilnosti)**

Ako Centralna izborna komisija BiH smatra da nezavisni kandidat nije postupio u skladu sa odredbama Zakona o finansiranju političkih stranaka, odredbama Poglavlja 15. Izbornog zakona BiH i ovog Pravilnika, prije izricanja kazne ili preduzimanja administrativne mjere, nastojat će

postići da nezavisni kandidat, za kojeg je ustanovljeno da je prekršio odredbe navedenih zakona i ovog Pravilnika, dobrovoljno postupi i otkloni uočene nepravilnosti, ako su one otklonjive.

**Član 27.**  
**(Sankcije i administrativne mjere)**

Ako nezavisni kandidat ne postupi prema odredbama ovog Pravilnika, a utvrdi se da je nezavisni kandidat prekršio odredbe Poglavlja 15. Izbornog zakona BiH, te Služba za reviziju utvrdi da je prekršio odredbe navedenog zakona i ovog Pravilnika, predložit će Centralnoj izbornoj komisiji BiH da nezavisnom kandidatu izrekne sankciju ili preduzme odgovarajuću administrativnu mjeru.

**POGLAVLJE V. NAČIN PRISTUPA JAVNOSTI INFORMACIJAMA  
SADRŽANIM U FINANSIJSKIM IZVJEŠTAJIMA**

**Član 28.**  
**(Troškovi kampanje)**

(1) Centralna izborna komisija BiH na svojoj internet stranici objavljuje podatke o maksimalno dozvoljenom iznosu troškova kampanje u skladu sa Izbornim zakonom BiH i podatke o troškovima kampanje koji su iskazani u postizbornim finansijskim izvještajima nezavisnih kandidata.

(2) Izvještaj o prometu posebnog računa za finansiranje izborne kampanje, sa podacima o izvorima novčanih i nenovčanih donacija, podacima o svim troškovima (rashodima) izborne kampanje, kao i računima dobavljača i izvršilaca usluga, objavljuje se na internet-stranici Centralne izborne komisije BiH tri dana nakon dana održavanja izbora.

(3) Postizborni finansijski izvještaji svih nezavisnih kandidata koji su učestvovali na izborima, a koji su podneseni Centralnoj izbornoj komisiji BiH, objavljuju se na internet-stranici Centralne izborne komisije BiH u roku od 30 (trideset) dana od isteka propisanog roka za podnošenje izvještaja.

**Član 29.**  
**(Prestanak primjene)**

Danom stupanja na snagu ovog Pravilnika, prestaje da važi Pravilnik o predizbornim i postizbornim finansijskim izvještajima nezavisnih kandidata („Službeni glasnik BiH“, broj 10/18 i 5/22).

**Član 30.**  
**(Stupanje na snagu i objava)**

Ovaj Pravilnik stupa na snagu danom donošenja, a objavit će se u „Službenom glasniku BiH“, „Službenim novinama Federacije BiH“, „Službenom glasniku RS“, „Službenom glasniku Brčko distrikta BiH“ i na internet-stranici Centralne izborne komisije BiH.

Broj: 05-1-02-2-582-1/24  
Sarajevo, 03.05.2024. godine





Stranica \_\_\_\_ od \_\_\_\_

Šifra nezavisnog kandidata

Naziv fin. izvještaja

Izvještajni period

**Obrazac N1**

**PODACI O NEZAVISNOM KANDIDATU**

Ime i prezime	
JMB ili broj ličnog dokumenta	
Adresa	
Telefon	
Faks	
E-mail adresa	

**Ovlašteno lice za finansijske izvještaje**

Ime i prezime	
Adresa	
Telefon	
Faks	
E-mail adresa	

\_\_\_\_\_  
(Mjesto i datum)

\_\_\_\_\_  
(Potpis)



Stranica \_\_\_\_ od \_\_\_\_

**Obrazac  
N2**

**Pregled prometa tekućeg računa**

Red. br.	Broj računa	Naziv banke	Stanje na dan _____	Ukupan promet ulaza	Ukupan promet izlaza	Stanje na dan _____

**Pregled prometa gotovine putem blagajne**

**Obrazac N2-1**

Red. br.	Stanje na dan _____	Ukupan promet ulaza	Ukupan promet izlaza	Stanje na dan _____

\_\_\_\_\_  
(Mjesto i datum)

\_\_\_\_\_  
(Potpis)



**Obrazac N3**

**IZVORI FINANSIRANJA**

Ime i prezime nezavisnog kandidata: \_\_\_\_\_

**3.1. Ukupni prihodi nezavisnog kandidata**

**1. Prilozi fizičkih lica (pojediniosti na obrascu N3-a)**

Ukupno naplaćeno \_\_\_\_\_ KM

**2. Prilozi pravnih lica (pojediniosti na obrascu N3-b)**

Ukupno naplaćeno \_\_\_\_\_ KM

**3. Nenovčane donacije i računi koje nezavisni kandidat nije imao obavezu platiti (pojediniosti na obrascu N3-c)**

Ukupno \_\_\_\_\_ KM

**4. Prihodi iz budžeta (pojediniosti na obrascu N3-d)**

Ukupno naplaćeno \_\_\_\_\_ KM

**5. Prihodi od prodaje propagandnog materijala i prihodi od organizovanja manifestacija (pojediniosti na obrascu N3-e)**

Ukupno ostvareno \_\_\_\_\_ KM

**Ukupni prihodi nezavisnog kandidata u izvještajnom periodu: \_\_\_\_\_ KM**

**3.2. Ostali prihodi i drugo**

**Ostali prihodi u izvještajnom periodu**

Ukupno \_\_\_\_\_ KM

\_\_\_\_\_  
(Mjesto i datum)

\_\_\_\_\_  
(Potpis)



**Obrazac N3-a**

**Prilozi fizičkih lica**

Red. br.	Prezime i ime donatora	Broj potvrde izdate donatoru	Datum	Iznos priloga	Napomena:
<b>UKUPAN IZNOS PRILOGA:</b>					

**Obrazac N3-b**

**Prilozi pravnih lica**

Red. br.	Naziv pravnog lica	Broj potvrde izdate donatoru	Datum	Iznos priloga	Napomena:
<b>UKUPAN IZNOS PRILOGA:</b>					

\_\_\_\_\_  
(Mjesto i datum)

\_\_\_\_\_  
(Potpis)



Nenovčane donacije i računi koje nezavisni kandidat nije imao obavezu platiti

Red. br.	Ime i prezime/Naziv donatora	Vrsta poklona ili usluge	Datum primljenog poklona/ usluge	Ukupna vrijednost poklona/usluge	Vrijednost koju kandidat nije imao obavezu platiti
<b>UKUPNO:</b>					

Prihodi nezavisnog kandidata iz budžeta

Red. br.	Nivo vlasti	Broj i datum odluke	Ukupan iznos prihoda	Napomena:
<b>UKUPNO:</b>				

Prihodi od prodaje propagandnog materijala i prihodi od organizovanja manifestacija

Red. br.	Prihodi od prodaje propagandnog materijala	Prihodi od organiziranja manifestacija	Svega (2+3)
1	2	3	5

\_\_\_\_\_  
(Mjesto i datum)

\_\_\_\_\_  
(Potpis)





**Obrazac N4**

**RASHODI NEZAVISNOG KANDIDATA**

**Ime i prezime nezavisnog kandidata**

1. Režijsko-administrativni i ostali troškovi \_\_\_\_\_ KM
2. Troškovi propagande \_\_\_\_\_ KM
- Ukupni rashodi u izvještajnom periodu: \_\_\_\_\_ KM

**Obrazac N4.1.**

**Režijsko-administrativni i ostali troškovi**

Red. br.	Vrsta troška	Iznos
Ukupno:		

\_\_\_\_\_  
(Mjesto i datum)

\_\_\_\_\_  
(Potpis)



Stranica \_\_\_ od \_\_\_

Obrazac N4.2.

## TROŠKOVI PROPAGANDE

Ime i prezime nezavisnog kandidata \_\_\_\_\_

Red. br.	Vrste troškova	Iznos troškova
1	Troškovi štampanja plakata i plakatiranja	
2	Troškovi oglašavanja u štampanim i elektronskim medijima	
3	Troškovi internet-oglašavanja	
4	Troškovi organizacije i održavanja predizbornih skupova	
5	Troškovi štampanja, umnožavanja i slanja predizbornog materijala biračima	
6	Ostali troškovi propagande	
UKUPNO:		

\_\_\_\_\_  
(Mjesto i datum)

\_\_\_\_\_  
(Potpis)



Stranica \_\_\_ od \_\_\_

Образак N4.2D

### PODACI O RAČUNIMA DOBAVLJAČA

Ime i prezime nezavisnog kandidata: \_\_\_\_\_

Red. br.	Vrsta troška	Naziv dobavljača/izvršioca usluga	Podaci o dokumentu (račun, ugovor ili dr.)	
			Broj i datum	Iznos
1	2	3	4	5
<b>UKUPNO:</b>				

\_\_\_\_\_  
(Mjesto i datum)

\_\_\_\_\_  
(Potpis)



**OBAVEZE NEZAVISNOG KANDIDATA**

Ime i prezime nezavisnog kandidata \_\_\_\_\_

1. Obaveze po kreditima i pozajmicama (detalji u N5.1.) \_\_\_\_\_
2. Ostale obaveze (detalji u N5.2.) \_\_\_\_\_
3. UKUPNE OBAVEZE (1+2) \_\_\_\_\_

**N5.1. Obaveze po kreditima i pozajmicama**

Red. br.	Davalac kredita ili pozajmice	Iznos kredita ili pozajmice	Datum realizacije	Rok vraćanja kredita ili pozajmice	Iznos obaveze po osnovu kredita ili pozajmice na dan _____
<b>UKUPNO:</b>					

**5.2. Ostale obaveze:**

Red. br.	Povjericlac/obaveza	Datum nastanka obaveze	Rok za plaćanje obaveze	Iznos obaveze na dan _____
<b>UKUPNO:</b>				

\_\_\_\_\_  
(Mjesto i datum)

\_\_\_\_\_  
(Potpis)